

**ილია ჭავჭავაძის სახელმწიფო უნივერსიტეტში  
საპატო დოქტორის წოდების მინიჭების წესის შესახებ**

1. ეს წესი არეგულირებს საპატო დოქტორის აკადემიური წოდების მინიჭების საკითხს.
2. საპატო დოქტორის აკადემიური წოდება შეიძლება მიენიჭოს უცხო ქვეყნის ან საქართველოს მოქალაქე მეცნიერს ან საზოგადო მოღვაწეს განსაკუთრებული დამსახურებისათვის ან აკადემიურ საქმიანობაში პროფესიული აღიარებისთვის.
3. საპატო დოქტორის წოდების მინიჭების საფუძველი შეიძლება გახდეს:
  - ა) განსაკუთრებული მნიშვნელობის მეცნიერული მიღწევა;
  - ბ) აკადემიურ განათლებასა და სამეცნიერო კვლევის განვითარებაში შეტანილი განსაკუთრებული წვლილი;
  - გ) უნივერსიტეტისთვის გაწეული განსაკუთრებული სამსახური.
4. გადაწყვეტილებას საპატო დოქტორის აკადემიური წოდების მინიჭების შესახებ, ფაკულტეტის წარდგინების საფუძველზე, იღებს უნივერსიტეტის აკადემიური საბჭო.
5. ფაკულტეტის საბჭო უნივერსიტეტის აკადემიურ საბჭოს, პირის საპატო დოქტორის წოდებაზე წარდგენასთან ერთად, წარუდგენს ამ წესის მე-3 პუნქტით გათვალისწინებულ ინფორმაციას, დოკუმენტაციასა და დასკვნას წოდების მინიჭების მიზანშეწონილობის შესახებ.
6. საპატო დოქტორის წოდების მფლობელ პირზე გაიცემა საპატო დოქტორის აკადემიური წოდების დამადასტურებელი დიპლომი.